

O MIA BELA MADUNINA

A disen la cansun la nass a Napoli,
e certament g'han minga tutti i tort.
Surrieto, oh Mergelina tutt'i popoli
i avran cantàda almén un milliun de volt.
Mi speri che s'ufenderà nissun
se parlam un cicin anca de num.
Oh mia bela Madunina, che te brilet de luntan,
tuta d'ora e picinina, ti te dominet Milan,
sota a ti se viv la vita, se sta mai cui man in man.
Canten tucc "luntan de Napoli se mör",
ma pö i vegnen chì a Milan.
Ades ghè la cansun de Roma magica,
de Nina, er Cupolone e Rugantin;
se sbàten in del Tever, roba tragica,
esagerem, me par, un cicinin.
Sperem che vegna minga la mania
de metes a cantà "Malàno mia".
O mia bela Madunina, che te brilet de luntan,
tuta d'ora e picinina, ti te dominet Milan.
Sota a ti se viv la vita, se sta mai cui man in man.
Canten tutt "luntan de Napoli se mör",
ma pö i vegnen chi a Milan.
Si vegnì senza pagüra, nüm ve slungarèm la man.
Tutt el mùnd a l'è paes, e semm d'accord,
ma Milan, l'è on gran Milan!